

II OSTVARIVANJE PRIPRAVNIČKOG STAŽA

Član 3.

(Svrha i trajanje pripravničkog staža)

(1) Svrha stažiranja je osposobljavanje odgajatelja, nastavnika, stručnih saradnika i saradnika (u daljem tekstu: lice na poslovima odgoja i obrazovanja), za polaganje stručnog ispita za samostalan odgojno-obrazovni rad u ustanovi za predškolski odgoj, osnovnoj ili srednjoj školi, domu učenika, internatu i ustanovama za odgoj i obrazovanje lica sa smetnjama u psihičkom i tjelesnom razvoju (u daljem tekstu: odgojno-obrazovna ustanova).

(2) Pravo da polaže stručni ispit za samostalan odgojno-obrazovni rad, lice stiče istekom osam mjeseci rada sa mentorom, na poslovima odgoja i obrazovanja, nakon sticanja odgovarajuće stručne spreme.

(3) Period stažiranja ne prekida se u toku školske godine, odnosno do isteka vremena na koji je zaključen ugovor o pripravničkom/volonterskom stažu.

Član 4.

(Status pripravnika i volontera)

Polagati stručni ispit može lice koje pripravnički staž ostvari na poslovima odgoja i obrazovanja u javnim i privatnim odgojno-obrazovnim ustanovama u statusu:

a) pripravnika koji je zasnovao radni odnos na određeno vrijeme po osnovu ugovora o pripravničkom stažu, sa najmanje jednom **trećinom radnog vremena na poslovima odgoja i obrazovanja;**

b) volontera koji je angažovan po osnovu ugovora o volonterskom stažu, na najmanje jednu trećinu radnog **vremena na poslovima odgoja i obrazovanja, od kojeg su dva časa neposrednog rada sa učenicima, za lica koja se osposobljavaju za rad neposredno u nastavi.**